



Inatsisartunut ilaasortaq,
Gerth Mikaelson,
Naleraq
Maani/

§ 37 naapertorlugu apeqqummut nr. 44-2025-mut akissut

28-05-2025
Suliap normua: 2025 - 11059
All. nr. 25382843

Inatsisartut Suleriaasianni § 37, imm. 1 naapertorlugu, Naalakkersuisunut ilaasortat akisussaassuseqartumik pissusilersornerat pillugu Naalakkersuisunut apeqquteqarputit. Apeqqut suliassaqaqfigisannit akineqartussanngorlugu innersuunneqarpoq

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. **Aalisarnermut, Piniarnermut, Nunalerinermut Imminut Pilersornermullu Naalakkersuisoq, Peter Borg (Demokraatit), Inatsisit atuuttut naapertorlugit Naalakkersuisunut ilaasortat Inatsisartunut sallusinnaatitaatannginnerannut, taamatuttaaq eqqunngitsumik paasissutissiinnaatitaatannginnerannut pisussaaffeqarnini ilisimaqqissaarpaa? Uani inatsit pineqartoq Naalakkersuisup ilisimaneraa aap imal. naamimik ersarissumik apeqqummut akeqquneqarpoq.**

1-mut) Aap.

2. **Aalisakkanik tunitsivimmik Naalakkersuisooqatigiit sanaartornissaanik pilersaaruteqarnersut apeqqutigineqarmat, Naalakkersuisoq apeqqut 1-imi pineqartoq ilaatigut imatut akivoq "Aalisakkanik suliffissuit inuussutissarsiuteqartunit Naalakkersuisuniunngitsoq pilersinneqartarput". Kisiannili siornatigut ilaatigut imatut Naalakkersuisoqarfia nalunaaruteqartarsimavoq "Naalakkersuisut Tasiilami fabrikkiortoqarnissaa qulakkeerpaat". Sooruna Aalisarnermut, Piniarnermut, Nunalerinermut Imminut Pilersornermullu Naalakkersuisoq, Peter Borg (Demokraatit) Inatsisartunut eqqunngitsumik paasinerluutaasinnaasumilluunniit paasissutissiisoq?**

2-mut) Isumaqanngilanga Inatsisartunut eqqunngitsumik paasinerluutaasinnaasumilluunniit paasissutissiisimallunga. Suliami pissutsit imaapput:

Tunumi avataani saarullinnik pisassiissutit 2023-mi 5.515 tonsinik qaffanneqarput. Tunumi sinerissap qanittuani aalisarnerup aalisarnerullu ataatsimut isigalugu ineriartortinneqarnissaat siunertaralugu pisassiissutit qaffanneqarnerannut atatillugu Naalakkersuisut immikkuullaarissumik aalajangiipput, tassani piumasaqaatit ilaat tassaavoq:

•"Tunumi tunitsivinnik ingerlatsinermillu pilersitsinissaq qulakkeerneqassaaq."

Neqeroortitsinermi atorlut tamarmik uani atuarneqarsinnaapput:

https://naalakkersuisut.gl/Nyheder/2023/04/0504_Udbud-af-kvoter-paa-torsk-og-roedfisk?sc_lang=kl-GL

Naalakkersuisut neqeroortitsineq naammassimmat ilanngunneqartumi tusagassiuutinut nalunaaruteqarput. Tusagassiuutinut nalunaarummi allaqqavoq, Naalakkersuisut pisassiinermut atatillugu Tasiilami tunisassiorfimmik sanaartornissaq ingerlatsinissarlupiumasaqaatigigaat.

- 3. Apeqquut 2. naapertorlugu, Naalakkersuisoq pineqartoq piaarinani eqqunngitsumik ilisimatitsisimappat, akisussaasuunertut atsiortutullu eqqunngitsumik ilisimatitsinera sumit aallaaveqarpa; atorfilittat patsisaappat, ilisimasakinneq, imaluunniit allat patsisigalugit taamatut akissuteqarpa? Sunarpiaq tunngaviunersoq ersarissumik akeqquneqarpoq, naqqiuteqartoqassanersorlu paaserusunnarluni.**

3-mut) Apeqquummut 2-mut akissut innersuussutigineqarpoq.

- 4. Naalakkersuisut siunissami Inatsisartunut eqqunngitsunik paasinerluutaasinnaasunilluunniit akinnginnissartik anguniartalerumaarpaat?**

4-mut) Naalakkersuisut inatsisit aallaavigalugit sulisarput, apeqquteqaatillu eqqortumik ilumoortumillu akineqarnissaat qulakkeerniarlugit suliarisarlugit.

Inussiarnersumik inuulluaqqusillunga



Aalisarnermut, Piniarnermut Nunalerinermut Imminullu Pilersornermut Naalakkersuisoq

Naalakkersuisut Tasiilami fabrikkiliortoqarnissaa qulakkeerpaat

Nassiussisuuvoq: **Aalisarnermut Piniarnermullu Naalakkersuisoqarfik**



Tunumi avataasiortunut pisassiissutigineqartut, saarulliit 5.515 tonsit aamma sulup-paakkat 406 tonsit aalisarneqarnissaannut qinnutigineqartut Naalakkersuisut peqqissaartumik suliarereerlugit aalajangiiffigivaat, qinnute-qartunit Royal Greenland A/S toqqarlugu pisassiissutigineqartut aalisassagai, Tasiilamilu piaartumik fabrikkimik pilersitsissasoq 7-it angullugit sulisoqarsinnaasumik. Tamanna Tunumi aalisarnerup ineriartorneranut suliffissaqartitsiniarnermullu alloriarneruvoq pingaaruteqarluinnartoq. Naalakkersuisunut ilutigitillugu tunitsivinnut tulaassi-sinnaanissamut ineriartortitsinissaq nunatsinnilu tulaassiviusinnaasunik amerlanernik tulaassisoqarsinnaalernissaa qulakkeermavaat.

Royal Greenlandimut piumasaqaatigineqassaaq fabrikkip sananeqarnerata nalaani utaqqiisaarutaagallartumik tunitsiviusinnaasumik pilersitsisoqassasoq, soorlu umiar-suarmik tunitsiviusinnaasumik umiarsualiisoqarluni. Erseqqissaatigineqassaaq pisas-siineq manna siunissamilu pisassiinissat Tunumi tunitsivimmik pilersitsillunilu ingerlatsinissamik piumasaqaammik tunngaveqartinneqartoq naammassineqar-simas-sammat. Naalakkersuisut piumasaqaatigineqartut naapertorlugit iliortoqarsimaneranik uppersaammik piumasaqassapput. Fabrikkiliornissaq piviusunngortinneqar-sinnaanngippat pisassiissutigineqartut Naalakkersuisunut utertinneqassapput agguateq-qitassanngortillugit.

"Naalakkersuisut pingaartilluinnarpaat Tunumi aalisarnerup suliffissaqartitsiniarnerullu qulakkeerneqarnissaat. Taamaattumik nuannaarutigaaara Tunumi tulaassinikkut tunisisinnaanissamut periarfissat pitsaanerulissammata," taama Aalisarnermut Piniarnermullu Naalakkersuisoq Karl Tobiassen oqarpoq.

Tunumi avataasiortunut saarullinnut suluppaakkanullu pisassiissutiniq suliariuman-nittussaarsiuussinerat maajip sisamaanni 2023-mi killeqarpoq.

Piffissarititaasoq sioqqullugu qinnuteqaatit 8-t tiguneqarput, aalisartitseqatigiiffiit uku aalislalniassallutik qinnuteqarput: Qaleralik A/S, Sigguk A/S, Polar Seafood Greenland A/S, Royal Greenland A/S, Malik Seafood/Arsuk Food ApS, Norsaq A/S, Tuukkaq Trawl A/S aamma Sermiligaaq Fish ApS. Piffissarititaasup kingorna qinnuteqartoqanngilaq.

Qinnuteqaatit marluk neqeroortitsinermi piumasaqaatinik naammassinnissinnaasimanngillat.

Naalakkersuisut kinaassusersiunngitsumik nalilersuutiniq tunuliaquteqarlutik nalilersuilluareerlutik aalajangerput Tunumi pisassiissutiniq saarulliit 5.515 tonsiusut aamma suluppaakkat 406 tonsit Royal Greenland A/S-imut aalisarne-qartussanngortinneqarput.

Annertunerusumik paasisaqarusukkuik Aalisarnermut Piniarnermullu Naalakkersuisoqarfik attavigiuk, apn@nanog.gl.

Tunumi 2023-mi saarullinnut suluppaakkanullu pisassiissutiniq neqeroortitsineq

INGERLATAQARTUNUT SOQUTIGISALINNUK

Nassiussisuuvoq: Aalisarnermut Piniarnermullu Naalakkersuisoqarfik



Naalakkersuisut martsip 30-anni 2023-mi aalajangerpaat avataasiortunut saarullittassiissutit 5.515 tonsit kiisalu suluppaakkat 406 tonsit soqutigisalinnut suliaqartunut tamanut neqeroortutiginneqassasut Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr, 47, 18. december 2020-meersumi § 19 naapertorlugu akuersissutinillu tunniussinissamut piumasa-qaatinik atugassarititanillu arlalinnik piumasaqaatitalinnik.

Suliaqartut pisassiissutiniq soqutiginnikkunik avataani aalisarnissamut qinnute-qaammik immersugassaq sullissivik.gl-imi immersorneqassaaq. Taakku saniatigut paasissutissat piumaneqartut Aalisarnermut Piniarnermullu Naalakkersuisoqarfimmut uunga apn@nanog.gl nassiunneqassapput ima qulequtserlugit: **"Tunumi 2023-mi saarullinnut suluppaakkanullu pisassiissutiniq neqeroortitsineq"**.

Qinnuteqaatit Aalisarnermut Piniarnermullu Naalakkersuisoqarfiup tigoreer-simassavai kingusinnerpaamik ulloq 4./5-2023.

Naalakkersuisut taassuma kingorna qinnuteqaatit suliarissavaat.

Pisassiissutit pillugit paasissutissat kiisalu neqeroornissamut piumasaqaatit uani allagqapput